

四庫全書

經部

欽定四庫全書

禹貢長箋卷五

吳江朱鶴齡撰

淮海惟揚州

爾雅江南曰揚州

郭璞注自江南至海

孔傳北據淮南距海愚

按淮以北即屬徐州境不得言據故蔡傳改作北至

淮九州惟兗與揚並不及山可見其地皆為下流沮

如自河濟改道而揚州乃專澤國之稱熊氏禾曰揚

州在東南隅山必起于西北澤必匯于東南經言淮

海惟揚州北距淮東南至海

日記作東南據海

西抵荊州之

境

杜佑曰按禹貢物產貢篚職方山藪川浸皆不

及五嶺之外又荊州南境至衡陽若五嶺之外在九

州封域則以鄰接宜屬荊州舍荊而屬揚斯不然矣

按五嶺通考一曰大庾嶺在南安今江西南安府廣東南雄府界是二曰騎田嶺在桂陽今湖廣郴州是三曰都龐嶺四曰毗諸嶺在江華今永州府是五曰越城嶺在始安今廣西桂林府是皆在衡山之南廣州記云大庾始安臨賀桂陽揭陽是為五嶺

茅瑞徵曰九州疆境繡錯而

冀兗徐豫尤為接壤難辨如鄆州以為兗曹單又以

為豫兗州魯郡且入徐州夫徐州曰東原底平則鄆
果專屬兗乎岱為青之鎮山則魯郡果專屬徐乎單
為碭山魚臺之境又果專屬豫乎至黃州本荆也而
唐十道圖以為揚陝號近雍也而通考以為豫商州
近豫也而通畧通考並以為梁宋史又以為雍若大
名一府分屬冀兗此果誰為確據乎當禹時閩廣滇
黔遠在荒服而揚州所紀止于彭蠡震澤則兩浙為
吳越之境亦未入王會也今以閩浙附入揚州已為

影響而唐十道圖至以鄂潭衡永澧朗辰錦等州並入揚州南境而嶺南一道東南際海西極羣蠻凡七十州亦以揚州南境括之可謂叢雜焚沓靡所適從矣杜佑于古九州外別分南越一條庶幾近之愚按自晉以下歷代史皆云五嶺南至海是揚州之域洪容齋亦云揚州并之蓋萬里析之且百郡其延袤之廣可知經所云淮海之海與青徐二州異青徐之海東海也揚州之海乃包絡南海而言今廣南是也導

黑水入于南海則南海明見經文即如通州之貢齒
革羽毛皆產炎荒安得謂五嶺之表必非方貢所及
耶若彭蠡三江震澤而外禹貢無他紀者蓋江淮諸
流皆以海為歸墟則此外之被水患者少又揚之南
偏悉是山谿計不勞施功故畧之爾夫聖人制服雖
止于五千而會稽實轍迹所至南交亦聲教所敷閩
粵之隸版圖復何疑哉但云五嶺以南俱屬揚州則
未必然當分轄荆揚二州之域

班固配十二次自南斗十一度至婺女

一名須女

七度為

星紀之次

費直起斗十度蔡邕起斗六度爾雅星紀斗牽牛也

于辰在丑吳越

之分野

左傳史墨謂越得歲而吳伐之吳越雖同星紀而所入宿度不同吳斗分越婺女分天官

書斗江湖

屬揚州晉天文志斗牽牛須女吳越揚州九江

入斗一度廬江入斗六度豫章入斗十度丹陽入斗

十六度會稽入牛一度臨淮入牛四度廣陵入牛八

度泗水入女一度六安入女六度

按晉天文志十二次起角亢以東方

蒼龍為之首也唐志十二次起女虛危以十二支子為之首也說者以日月五星起于斗宿謂之星紀則

星紀為十二次之首而斗牛又為二十八舍之首也
職方氏九州之序始于揚州政與星文相協

周職方氏東南曰揚州其山鎮曰會稽其澤藪曰具區其川三江其浸五湖通典揚州吳其分野蕪得楚及南越之交秦置郡此為九江鄣會稽閩中南海郡之東境漢武置十三州此為揚州後漢因之漢地理

志吳地今之會稽

治吳九江

故淮南武帝改

丹陽

秦鄣郡武帝改

豫章

廬江

文帝分淮南置

廣陵六安

光武併入廬江

臨淮郡盡吳分壽春

合肥受南北湖皮革鮑

鮑魚

木之輸吳東有海鹽章山

之銅三江五湖之利亦江東一都會也豫章出黃金

然取之不足以更費粵地今之蒼梧鬱林秦桂林合浦

交趾九真南海日南秦象郡皆粵分南海近海多犀象

毒冒音代妹珠璣銀銅果布之湊番禺其都會也後漢

郡國志揚州刺史治歷陽部郡六九江丹陽廬江會稽

吳郡順帝分會稽置豫章順帝分浙江以東為會稽郡以西

分揚州之浙東五郡為東揚州浙西為揚州至此遂有二揚州通考漢時為郡國

七郡曰廬江九江會稽丹陽豫章國曰廣陵六安又

為臨淮

南境是

江夏

東境是

南海

東境是

郡唐地理志淮南

道

採訪使治揚州

古揚州域揚

廣陵陰

楚滁

永陽析州置

和

歷廬江廬

壽

壽春本淮南郡

舒

同安

為星紀分安

陸安

黃

齊安

申

義陽光

為鷄尾分

內黃安申通典入荊州

江南道古揚州南境東道

採訪

使治則潤

丹陽析江都之延陵縣置

昇

江寧析潤州之江寧縣置

常

晉陵蘇湖

吳興析吳郡之烏程縣置

杭

餘杭

睦

新定

越

會稽

明

餘姚析越州之鄞縣置

州置處

縉陽婺

東陽温

永嘉台

臨海析嘉郡置

福

長樂建

泉

清源汀

漳

漳浦析西南境置

為星紀分

立宗分天下為十五道兩浙諸郡並隸江南東道肅

宗改元置浙西道節度使領睦越等州而浙東浙西之名始立西道

採訪使則宣城歙新安通典屬池秋浦析宣洪章江

治洪州則宣城歙江南東道池饒二州置洪郡江

九江饒虔吉廬袁信二州置撫川亦星紀

分按唐書以江南西道所領鄂岳潭衡永等州及黔

中道所領黔辰錦施等州並屬揚州非是今從通

典入荊州史記正義永郴衡潭鄂岳江洪饒

戰國時楚東南境表吉虔撫歙宣並屬西境其嶺南

道採訪使亦古揚州南境韶廣康端封梧藤羅雷崖

以東為星紀分按唐書嶺南道領州十七其桂柳鬱

梁二州初學記揚州自江以北為淮宋史淮南東路

南道東偏為江南道南偏為嶺南道

為揚楚通泰滁真等州軍一高郵淮南西路為壽濠

廬舒蘄和光等州軍二六安無為

淮南路合禹貢荆徐揚豫四州之域

而揚州為多東至于海西抵淮

兩浙路府二平江鎮江

州十二杭越湖婺明常溫台處衢嚴秀

兩浙路東際海西控震澤

北又濱海

江南東路府一江寧州七宣徽江池饒信太平

軍二南康廣德江南西路州六洪虔吉袁撫筠軍三

南安臨江建昌

江南路東限七閩西畧夏口南抵大庾北際大江

南渡後稍

復更置云通考宋時為州五十九兼有建寧府福泉

漳汀南劍州邵武興化軍其廣南東西路大畧荆揚

二州之域明一統志古揚州為今南直隸應天

春秋屬吳

戰國屬楚秦屬鄣郡漢屬丹陽三國吳曰建業晉置丹陽郡陳曰蔣州唐宋曰江寧元為集慶路其地東

連三吳西引荆汝江淮環繞帝王之都

鳳陽

古塗山氏國秦屬九江郡漢為淮南國晉置鍾離郡

隋唐宋曰濠州其地梁宋楚之衝淮海屏蔽建業肩髀

廬州

春秋舒國戰國屬楚秦屬九江漢置

廬江郡晉為淮南廬江二郡地梁置南豫州五代周為保信軍宋改無為軍其地淮右襟喉江北唇齒

安慶

春秋皖國戰國屬楚秦屬九江漢屬廬江三國吳為重鎮晉置晉熙郡唐曰舒州宋為德慶軍

後陞府其地南濱大江北界清淮

徽州

春秋屬吳戰國屬楚秦屬鄣郡漢屬丹陽三國吳置新都

郡隋唐為歙州屬浙西節度
寧國 春秋屬吳戰國屬
其地在萬山中百城襟帶

丹陽郡晉分置宣城郡徙丹陽治建業唐曰宣州
宋為廣德軍後陞府其地山川名勝據吳上游 **池**

州 春秋屬吳戰國屬楚秦屬鄣郡漢屬丹陽三國吳
為重鎮晉屬宣城豫章唐宋為池州元屬江浙行

省其地江山千
太平 春秋屬吳戰國屬楚秦屬鄣郡
里襟帶六朝 漢屬丹陽晉僑立豫州隋屬蔣

州唐屬宣州宋為太平州元屬江浙行省
其地左天門右牛渚米石之險甲于東南 **蘇州** 戰國
秦置會稽郡東漢以下為吳郡與吳興丹陽為三

吳宋曰平江其地東際大海西控震澤沃衍之區 **松**
江 春秋屬吳戰國屬楚秦婁縣地屬會稽漢因之唐

屬蘇州已屬秀州宋元皆隸嘉興其地自海枕江
平疇

常州 春秋吳延陵邑戰國屬楚秦漢屬會稽東
沃野 漢屬吳郡吳屯曰無錫以西置興農校尉

晉置毗陵郡隋置常州後因之
其地有三江之潤五湖之腴

鎮江

春秋吳朱方邑戰國屬楚秦屬

會稽漢初為荊國後屬江都國又屬會稽郡東漢屬吳郡晉屬毗陵郡劉宋置南徐州唐曰潤州置鎮海

軍節度元屬江浙行省其

揚州

春秋吳邳溝地戰國屬楚秦屬九江漢為

地負山枕江舟車之會

廣陵國晉移治淮陰東晉分置海陵山陽二郡劉宋置南兖州隋唐曰揚州後置淮南節度元置江淮行

中書省其地枕江臂

各府廣德

春秋吳桐汭地戰國屬楚秦屬鄆郡漢屬

丹陽唐

滁

春秋吳楚之交秦屬九江漢屬淮南東曰桃州晉僑置南譙郡唐曰永陽國初隸鳳陽

春秋戰國皆楚地秦屬九江漢屬淮南東晉置歷陽郡唐宋曰和州國初隸廬州其地當江淮水陸之衝

為姑熟金

三州而淮安府為徐揚二州域

山陽鹽城在淮南屬陵藩蔽

揚州 浙江省則杭州 春秋越西境後屬楚秦漢並屬會稽東漢屬吳郡三國吳分置東安

郡唐曰杭州移鎮海節度治焉宋南渡陞臨安府其地負山濱海襟江帶湖吳越都會 **嘉興** 春秋

越北鄙馮李地秦漢屬會稽東漢屬吳郡唐屬蘇州後屬杭州宋曰秀州其地負海控江鹽田相望 **湖**

州古防風氏國春秋吳越之交戰國屬楚漢屬會稽丹陽東漢屬吳及丹陽三國吳置吳興郡唐置湖

州後置忠國軍節度宋改昭慶軍 **嚴州** 春秋吳越之其地居震澤之陰為南國之奧 交戰國屬楚

漢屬會稽丹陽東漢屬吳及丹陽隋唐曰睦州 **金華**宋置嚴州其地當甌歙數道之衝據浙上游

春秋越西界秦漢屬會稽三國吳置 **衢州** 春秋越西東陽郡隋唐曰婺州其地多名山 鄞姑蔑地

秦漢屬會稽隋唐屬婺州唐置 **衢州** 春秋戰國越其地江浙閩廣之所輻輳曰三衢 地秦屬會稽

漢初為東甌國武帝屬會稽晉屬永嘉郡
隋唐曰處州亦曰括州其地山峻有鑛
紹興古會稽地

秦屬會稽郡漢因之東漢徙會稽郡治山陰劉宋置
東揚州隋唐曰越州後置鎮東軍節度其地千岩萬

壑襟海
寧波春秋越角東地秦漢屬會稽隋屬越州
帶江唐置明州宋陞慶元府其地東漸巨海

枕山
台州春秋戰國越地秦屬閩中郡漢初屬東甌
臂江國後屬會稽三國吳置臨海郡唐宋曰台

州
溫州亦越地秦屬閩中漢會稽東境晉置永嘉
郡唐置溫州其地帶海控山甌越之衝
各

府江西省則南昌春秋楚之東境吳之西界秦屬九
江漢分淮南地置豫章郡晉置江

州治此後移治武昌隋唐曰洪州後置鎮南軍節度
南宋陞隆興府其地負江依湖咽扼荆淮盟蔽吳越

東南
饒州春秋楚東境秦屬九江漢屬豫章三國吳
都會置鄱陽郡隋唐宋為饒州其地多湖泊

廣信

春秋隸吳楚秦屬九江會稽漢屬豫章會稽晉宋及隋為鄱陽東陽二郡地唐置信州宋元仍

之其地控閩越

建昌

春秋吳南境戰國屬楚秦屬九江漢屬淮南國後屬豫章三國

引二浙為要衝

吳屬臨川晉屬江州唐屬撫州宋置建昌

撫州

春秋屬吳

戰國屬楚秦屬九江漢屬淮南國後屬豫章三國吳

置臨川郡晉屬江州唐宋曰撫州其地介江湖之表

臨江

春秋屬吳戰國屬楚秦屬九江漢屬淮南後屬豫章隋唐屬洪吉袁三州宋置臨江軍其地當

南粵度吉舟

瑞州

春秋屬吳戰國屬楚秦屬九江漢屬豫章唐置筠州後屬洪州南宋

為高安郡其地

袁州

春秋屬吳戰國屬楚秦屬九江漢屬豫章隋唐曰宜春

贛

僻絕山環水繞

州

春秋屬吳戰國屬楚秦屬九江漢屬豫章東漢屬廬陵晉置南康郡屬江州唐宋曰虔州其地山長

谷荒接甌閩
百粵之區

南安

漢贛南望二縣地隋唐屬虔州宋置南安軍其地當五嶺最東控廣

引各府而南康

春秋吳楚之交秦屬九江漢屬豫章晉屬潯陽隋唐屬江州宋置南康軍

其地負匡廬面彭蠡九江

春秋吳楚之交秦屬九江漢屬豫章廬江晉武昌鄱陽豫章三郡地後置

潯陽郡屬江州梁移江州治湓城南宋置定江軍其地面匡廬跨彭蠡襟帶上流為重鎮

吉安

春秋

屬吳戰國屬楚秦屬九江長沙漢屬豫章長沙東漢分豫章置廬陵郡三國吳又分置安成郡晉以廬陵

屬揚州安成屬荊州隋唐為吉州其地南接贛江北竟淦水

三府為荆揚二州域

東境屬揚州鄭端簡云北境是

其福建省福州

漢閩越王无諸所都晉置晉安郡唐置福

州其地東帶滄溟南望交廣

泉州

梁置南安郡唐置泉州宋改平海軍其地帶嶺海閩越奧區

建寧

三國吳置建安郡隋以縣隸泉州唐置建州其地東接括蒼北距上饒西南抵延平居閩嶺上

流延平

三國吳屬建安郡唐屬建邵武晉屬建安隋屬汀三州地宋為南紉州邵武屬撫州唐改

屬建州宋置邵武軍興化隋唐隸泉州宋置興化軍其地為甌閩西戶其地介泉福之間海道舟

車所汀州

唐開福撫二州山洞置汀州漳州唐析福其地西鄰贛吉南接潮梅

境置漳州其地控引各府及福寧州皆周七閩地職番禹在閩會之極南

氏注閩子孫分為七種故曰七閩漢屬會稽並宜入揚州廣東省則

廣州

古南越地秦漢為南海郡屬交州東漢末遷交州治番禺其地北距五嶺南負重溟韶州

漢屬桂陽郡三國吳置始興郡隋屬廣州唐南雄漢曰韶州其地唇齒江湘咽喉交廣粵之北門屬

南海桂陽隋屬廣州唐惠州漢屬南海隋置循州宋屬韶州宋為南雄州曰惠州其地東接梅潮

西連肇慶漢屬蒼梧隋唐宋為端州其地阻山汀賴肇慶漢屬蒼梧隋唐宋為端州其地阻山潮州

漢屬南海晉置義安郡隋唐曰六府皆揚州南境廣潮州其地瀕海閩南兩越之界

西南寧府秦屬桂林漢屬鬱林唐宋曰邕為揚州西州其地內制廣源外控交趾

南境曹學佺曰今鳳陽府跨禹貢徐揚豫三州鳳陽臨淮定遠盱眙天長壽州為揚域懷遠五河虹

泗宿二州靈璧蒙城為徐城潁州潁上太和亳為豫域

愚按揚州為水戒險阻之國金陵形勝雄壓東南至

其要害所在西則荆襄東則淮潁晉取孫皓隋取陳

叔寶宋取李煜皆浮江而下其節險其勢疾若曹魏
攻吳苻堅伐晉周世宗伐南唐以及完顏亮南向皆
爭淮潁之間然多失利去世宗雖克捷亦不能一舉
而定之蓋淮南地形高于淮北利守不利攻非若下
荆門趨牛渚順流直指有星奔電邁之勢也已延亡
宋亦以全力注荆鄂而淮泗以偏師綴之陸抗所謂
西陵今夷陵州建平今歸州國之藩表未有不據此而可保
有江南者唐樞曰江淮之形合則表裏之勢成故

魏得壽春合肥而吳不敢窺東晉至陳彭城盱眙廬
壽皆入南境及宣帝末年江北之地盡入于周而陳
亡矣愚按江南屏蔽全在淮南廣陵者淮南之根本
而山陽盱眙為門戶合肥者淮西之重鎮而鍾離壽
春為藩垣真西山謂淮東要害在清河之口淮西要
害在渦潁之口此三口乃攻守所必爭

曹丕自譙循
渦入淮金主

亮由渦口入淮周世宗由閔河汴潁入淮謝玄
之拒苻堅在潁口楊行密之拒朱全忠在清口

彭蠡既豬

地理志彭蠡在豫章郡彭澤縣

今九江府彭澤縣

西郡縣志

在都昌縣

今屬南康府

西六十里與潯陽縣

今九江府德化縣

分

湖為界金氏履祥曰彭蠡今鄱陽湖自洪宮亭受江

西嶺北江東諸水在江饒南康興國之間

今贛州府興國縣

至池州湖口入江

一統志彭蠡湖在南康府東南一名官亭一名楊澗左里一名鄱陽

濶四十里長三百里中有雁泊小湖西接南昌東抵饒州北流入于江

胡瓚曰彭蠡發

源章贛匯為一湖而江過之故序揚州之功以彭蠡

為大或曰彭蠡以彭磯左蠡得名

今彭澤縣北彭郎磯與小孤山相對

都昌縣西北有實彭澤非鄱陽湖也鄱陽在今饒州左蠡山見江西志

南康之間其水出湖口入江又東北九十里而至彭

澤愚按劉歆云湖漢九水

水經注湖漢水出雩都縣西入豫章水雩都今

屬贛州

入彭蠡九水廬

地理志長沙縣有廬水東至廬陵入湖漢水

牽

水經注牽

水出宜春縣東逕新淦縣注

淦應劭曰淦水出新淦

地理志盱水出南城縣西北至南

濁水經注濁水出康樂縣東至南

昌入贛水康樂今

餘水經注餘水出餘干縣北至鄒陽縣注贛水餘干今屬饒州府

鄱

水經注鄱水出鄱陽縣西流

僚

水經注僚水出建昌縣逕昌邑入豫

章水建昌今屬南康府昌邑故城在南昌府城北

循也

水經注循水出艾縣東北逕永循縣注贛

水地理志作修水艾縣今南昌府寧州

秦九江郡以此九水得名併贛

水為十水雷次宗云十川均流而贛源最遠水經贛

水出豫章南野縣

今贛州府龍南縣班固云南野縣彭水所發東入湖漢水

西北

逕廬陵新淦南昌至彭澤西入于江通典虔州贛縣

有章水

一統志源出南安府贛都山漢志名彭水

貢水

一統志出汀州府新樂山漢志名湖

漢水合流曰贛蓋湖漢水豫章水及贛水並通稱贛水

控引衆流總成一川而俱注彭蠡也

章俊卿曰豫章西江與鄱陽之浸浩瀚吞納而滙于

湓口

即湓浦在德化

則九江為之都會

陽鳥攸居

攸漢書作適

正義日之行也夏至漸南冬至漸北鴻雁之屬九月

而南正月而北與日進退左思蜀都賦木落南翔冰

泮北徂是也蔡傳今彭蠡洲渚之間千百為羣記陽

鳥所居猶夏小正

大戴禮篇名

記雁北向也蘇傳陽鳥避

寒就煖彭蠡在彭澤西北方之南南方之北也故

陽鳥多留于此 金氏謂禹豬彭蠡廢其旁地為蘆葦以備浸淫故陽鳥居之如漢築河隄去河各二十五里所以防汎濫其後民頗居作其間嘗被漂沒以此知禹為民防患之意甚深所謂善治水者不與水爭利也

三江既入

庾仲初吳都賦註今太湖東注為松江下七十里分流東北入海為婁江東南入海為東江并松江為三

江吳越春秋所謂范蠡乘舟出三江之口是也

史記正義

三江在蘇州東南三十里名三江口一江西南上七十里至太湖曰松江古笠澤江一江東南上七十里白蜆湖曰上江亦曰東江一江東北下三百餘里入海曰下江亦曰婁江其分處號三江口一統志三江

口在崑山縣南九里

蘇傳岷山之江為中江蟠冢之江為北江

自豫章入彭蠡而東至海為南江此三江自彭蠡以

上為二自夏口以上為三江漢合于夏口而與豫章

之江匯于彭蠡則三江為一過秣陵京口以入于海

不復三矣堯水之未治也東南皆海豈復有吳越哉

及彭蠡既豬三江入海則吳越始有可宅之土水之所鍾獨震澤而已故曰三江既入震澤底定蔡傳蘇氏所謂三江若可依據然江漢會于漢陽合流數百里而後與豫章江會又合流千餘里而後入海不復可指為三矣

此本朱子之說

或曰江漢揚州巨浸何以不書

曰禹貢書法費疏鑿者雖小必記無施功者雖大亦畧江漢荊州而下安于故道無俟濬治故在不書況朝宗于海荊州固備言之是亦可以互見此正禹貢書

法也金氏履祥曰說者謂漢為北江江為中江則彭蠡之水為南江至揚雖合為一以其三水合流謂之三江猶洞庭九水俱匯謂之九江也范蠡所謂吳之與越三江環之謂俱在大江之南爾今通州福山鎮猶名三江渡是也然三江既以彭蠡為一則上文既出彭蠡不應下文又出三江且經文二既字對舉皆本效之辭彭蠡既豬矣則陽鳥攸居三江既入矣則震澤底定是三江者乃震澤下流之三江也北方之

水河為大故凡水皆稱河南方之水江為大故凡水

皆稱江

郊僑曰禹貢之水以十分之自淮而北五由九河入海自淮而南五由三江入海

愚按三江之說不一班固以為南江

從吳縣南東入海即松江中

江

從蕪湖至陽羨東入海

北江

從昆陵東北入海

郭璞以為岷江浙江

松江

近歸有北亦主此說引國語吳之與越三江環之為證

韋昭以為松江浙

江浦陽江

水經浦陽一名潘水在會稽界一統志浦陽在金華府浦江縣界本吳越三江之

一春秋外傳所謂三江環之是也

皆非禹舊蹟惟蘇子瞻說似合乃

蔡傳及黃東發金仁山諸家皆主松婁東三江者以

此三江連派震澤而吞吐百川關係吳中水利甚大
又周禮荊州川曰江漢揚州川曰三江可證揚州自
有所謂三江而非即江漢况南江之稱本經文所無
必增此以合三江之說亦有未安也既入者洩震澤
而入于海也孔氏謂自彭蠡江分為三入震澤又出
震澤為北江入海者誤

任仁發曰太湖西南受湖州諸溪西北受宣州諸溪
諸山峙于西地形高阜兼南北東江海之岸皆高水

積其中形若盤盂非藉江浦深利何以通泄大抵治
之之法有三浚河港必深濶築圍岸必高厚置閘竇
必多廣設遇水旱就三者而兼除之自然不能為害
歸有光曰太湖入海之道獨吳淞江一路顧江自湖
口距海不遠有潮泥填淤反土之患湖田膏腴往往
為豪姓所圍佃積占茭蘆而與水爭尺寸之利所以
淞江日隘議者不循其本沿流逐末別濬浦港以求
一時之利而淞江之勢日微海道遂至湮塞豈非治

水之過歟蓋自宋揚州刺史王濬以松江滬瀆

又名黃浦

壅噎不利從武康紆谿為渠滄直達于海穿鑿之端

自此始夫以江之湮塞宜從其湮塞而治之不此之

務而別求他道所以治之愈力而失之愈遠也世之

論徒區區于三十六浦

昔人于常熟之北開二十四浦疏而導之江又于崑山之

東開一十二浦分而納之海

間有及于淞江亦不過浚盤龍白鶴

滙

盤龍浦在松江白鶴江在嘉定

未見能曠然修禹之蹟者宜興單

錡著書為子瞻所稱然欲絕西來水不入太湖殊不

知揚州數澤天所以豬東南之水也今以人力遏之
夫水為民害亦為民利就使太湖可涸于民豈為利
哉余以為治吳之水宜專力于淞江淞江既治則太
湖之水東下而他水不勞餘力矣又曰松江源本洪
大故別出而為婁江東江今松江既微則東江之跡
滅沒不見無足怪者故當復松江之形勢而不當求
東江之古道也元末華亭周生綱領之論實為卓越
然其欲求東江古道則于嫡庶之辨終有未明夫以

一江洩太湖之水力全則勢旺故水駛而嘗流力分則勢弱故水緩而易淤此禹時之江能使震澤底定而後世之江所以屢開而屢塞也歟

按吳淞為中江其洩震澤之水

直而不迂故視二江尤急二江是淞江支流今上海之大黃浦古東江太倉之劉家河古婁江也松江府志黃浦上原自三泖來其上為澱湖為白蜆江又自松江分派而來至入海處約二百五十餘里論者指此為東江王同祖曰東江舊蹟在澱湖之西東如白蜆江諸口皆是東江既塞今澱湖水由千墩等浦北入松江特支流耳必復東江之舊使洩澱湖諸水入海則淞江始可通

袁黃曰吳

淞古道深廣可敵千浦今黃浦通流不下劉家河而

吳淞日淺蓋黃浦總會杭嘉二郡之水而又有澱山

泖蕩諸水從上而灌之劉河受巴陳諸湖之水而又

有夏駕新洋諸水

在崑山

從旁而注之是以流皆清駛

足以敵潮惟吳淞受太湖之派而有長橋石隄為之
阻遏至所經龐山九里二湖又多灘漲上流微故下

流塞其間又有夏駕新洋掣其水以入劉河其勢益

弱一與潮遇輒壅滯不行毋惑也又東江湮沒議者

多講求其故蹟或欲倣古遺意而別開一東江不知

三吳之水得以安流入海者以有崇明諸沙縱橫如
繡而橫亘于前也若于激乍金山間誤開一道有何
隄障夫東南之海最大號為天闕海鹽一帶包以石
塘猶懼衝撼豈可開渠延之使入乎又今日入海之
道其自江陰江浦而來者引萬里之清流納之巨壑
故海水逆上之潮皆上流復回之水所以澄澹而不
為患若使東江通海則鹹水灌入沿海皆不可耕矣
蘇嘉之田稱三吳上腴而使棄為斥鹵害豈小哉

夏允彝曰淞江之南有大浦三十六淞江之北有大浦三十二在江之南者西受陳河南受澱湖諸水以入吳淞而達于海在江之北者西受陽城湖諸水以入吳淞而達于海吳淞迤東入海之口浦凡四十一皆海潮往來易于漲塞惟千墩一浦南通澱湖極為深廣與夏駕新洋南北相望屢經開後皆為民利考名勝志從太湖經吳江長橋東北合龐山湖者為淞江亦名松陵江從太湖出鮎魚口經吳郡之婁門

者為婁江從大姚分支過澱山湖東至上海嘉定亦名吳淞江者為東江自海塘南障而東江湮廢水始北折而為黃浦趨于淞江并于婁江又溢入七浦白

茆港

王鏊曰吳淞江別出一支分從常熟白茆港入海

婁江雖通流而太倉

以東每有沙漲至瀕海之北比腹內特高浚治宜倍深夫古人于川原廣衍處每七十里為一縱浦十里為一橫塘所以通決水道俾旱澇有備今湮塞過半矣宜相其緩急以次疏之即取所開之土以修岸塍

則溝瀆之水悉達于塘浦塘浦之水悉達于江湖又何水之足患乎

震澤底定

漢地理志會稽吳縣周太伯所封國也具區在西古

文以為震澤

在今蘇州府城西南三十里

正義周禮職方揚州藪

曰具區浸曰五湖餘州浸藪皆異而揚州同者蓋揚州浸藪同處論其水謂之浸指其澤謂之藪曾氏曰震如三川震之震若今湖翻愚按太湖之源來自苕

雲山海經浮玉之山

在今湖州府城南浮玉有二在歸安者為小浮玉

在孝豐者為大浮玉

北望具區苕水出乎其陰是也

吳江志太湖源出西

天目分為二一散入固城湖合金陵常潤之水為百瀆荆溪一從獨山至秋浦納宣歙臨安之水合苕雪梅溪俱入太湖浙江名勝志浙西苕雪與臨安廣德諸水散出凡七十二溪奔海不及則停蓄于太湖耳

越絕書太湖周迴三萬六千頃亦曰五湖虞翻以東

通松江南通雪溪

湖州府城西北

西通荆溪

宜興縣西南三里

北通

涠湖

宜興縣西北三十五里

東通韭溪

嘉興府城南八里

凡五道故名

五湖

史記正義蘆湖莫湖胥湖游湖貢湖為五湖別有金鼎湖梅梁湖東臯里湖通謂之五湖周五

百里東西二百餘里
南北一百二十里

王樵曰揚州之境嶺自柳

柳虔州

贛州北支趨敷淺原水皆東流又自建嶺一支轉而北

趨金衢為歙嶺亘宣州而抵建康其岡脊

歙嶺之脊

以西

之水皆西流匯為彭蠡其岡脊以東之水南則浙江
北則震澤也彭蠡不豬則江西江東諸州之水為揚
西偏之患震澤未定則浙西諸州之水為揚東偏之
患揚雖北邊淮而于徐已書又雖中貫江而于荆已
書朝宗獨大江以南西偏莫大于彭蠡東偏莫大于

震澤特舉二水以見揚之土田皆治 金藻曰禹貢
云三江既入震澤底定又云九川滌源九澤既陂今
東江已塞而淞江復微是川源無滌也太湖汎濫隄
防不修是澤無陂障也無陂所以靡定無滌所以靡
入又曰三江流水也滌源流水之所以治也震澤止
水也既陂止水之所以定也使禹貢無此二語總結
將謂三江既入震澤自定矣 葉夢得曰孔氏以太
湖為震澤非是周官九州有澤數有川有浸揚州澤

數為具區其浸為五湖凡言數者皆人資以為利故
曰數以富得民而浸則但水之所鍾也今平望八尺
震澤之間水瀰漫而極淺與太湖相接而非太湖自
是入于太湖自太湖入于海雖淺而瀰漫故積潦暴
至無以洩之則溢而害田所以謂之震然蒲魚菱芡
之利人所資者甚廣亦或可隄而為田與太湖異所
以謂之澤數他州之澤無水暴至之患則為一名而
已而具區與三江通塞為利害故二名以別之禹貢

方以既定為義是以言震澤而不言具區

此論解周禮則可以

疏禹貢則不合

太湖分二派東南一派由淞江入于海東北一派由諸浦注之江其淞江洩水惟白茆一浦最大濬淞江則蘇松東南之水有所歸濬白茆則蘇州東北之水有所歸永樂初夏原吉奏吳淞江舊袤二百五十餘里廣一百五十餘丈前代屢浚屢塞不能經久自吳江長橋至夏駕浦約百二十餘里雖云通流多淺狹

之處自夏駕抵上海南澹浦可百三十餘里潮沙漲

塞已成平陸若劉家港

通海

白茆港

入江

皆係大川水流

迅急宜浚吳淞南北兩岸安亭等浦引太湖諸水入

劉家白茆使直注江海又大黃浦乃通吳淞要道今

下流壅闕旁有范家浜至南澹浦口可徑達海宜浚

令深濶上接黃浦以達湖茆之水此即禹貢三江入

海之蹟

原吉時為戶部尚書治水蘇松役夫凡十餘萬水泄農夫利

王樵曰古

者震澤之水其西北上源則有宣歙金陵九陽江之

水由宜興百瀆以下震澤其西南則有苕霅諸水由湖州七十二港以入焉所賴導之入海者止松江婁江東江而已水來甚多而洩之者甚緩此東南所以多水患也自宋築五堰

水陽江銀林江等五堰考五堰始于漢

于宜興

以西漂陽以上而宣歙諸水皆西北入蕪湖固有以殺其上源之勢其後商人以簿木往來之阻給于官而壞其防昔人欲復五堰者此也五堰既廢由是荆溪多積水而百瀆湮塞無以遂其東下之勢昔人欲

疏百瀆者此也宋慶厯中築長橋于吳江岸以便舟行之牽輓而水道阻緩昔人欲闢石塘易木橋千所以分利之者此也凡此皆單鏹之說也國初因五堰舊蹟立為銀渚東壩禁商渾往來既可挽東壩以西之水北會金陵以成朝宗之勢又使東壩以東之水返注蕪湖不下震澤而三吳享陸海之饒是豈徒得五堰遺意而已哉乃東南之永利也

此用溧陽民陳嵩九計東

壩既足以當五堰之利則上源既殺下流亦減荆溪

百瀆疏之可不疏亦可長橋之在吳江去之則有妨于運道存之亦未見有阻于太湖其所急者惟在吳

淞江之通利濶深耳

按漢設五堰使西南水不入荆溪由分水銀林二堰入伍員代

楚之運河以達大江運河在五堰西南唐時尚存宋時堰廢故吳中水患特甚自東壩築而太湖水勢始殺其半

篠蕩既敷厥草惟夭厥木惟喬厥土惟塗泥

孔傳篠箭竹

邢昺曰篠是竹之小者可以為箭幹蕩竹譜箭竹高者不過一丈節間三尺

大竹

孫炎曰竹潤節者曰篠李廵曰竹節相去一丈為篠按郭璞引儀禮曰篠在建鼓之間謂簫管

之屬與孔傳大竹解不合

水去已布生愚按究徐惟誌草木揚州

竹箭尤美故剔出之

爾雅東南之美者有會稽之竹箭焉筍譜今箭竹中為矢者臨

川會稽為良

孔傳少長曰夭喬高也

邢昺曰木枝上疎而曲卷者名喬

塗

泥地泉濕釋名塗杜也杜塞孔穴說文泥黑土在水

中者王氏炎曰南方地煖故草木多少長而上疎河

朔地寒雖合抱之木不能高也究徐言草木皆居厥

土之下凡土無高下燥濕其性皆然蕪山林言之若

揚之塗泥惟言沮洳之多山林不與故先草木也青

不言草木而貢有松壓絲則可知荆亦不言然貢有
柁幹等亦可知矣蓋充青相同荆揚為一惟徐漸包
為異耳

厥田惟下下厥賦下上上錯

田第九等賦第七等雜出第六等蔡傳不言錯下上
者本設賦九等分為上中下三品下上與中下異品
故變文言之金氏履祥曰古人尚黍稷田雜五種

漢食

貨志種穀必雜五種以備災害故雖旱潦而各有所收塗泥之土其

田獨宜稻不利他種故第為最下胡氏宏曰揚州魚鹽之海出第七等近于太輕故有時而出第六等以補餘州之不足

丘濬曰今天下水田惟維揚最賤陸田惟潁壽為輕且地介兩京間相距畧等昔司馬懿伐吳使鄧艾于淮北屯田六七年十萬之衆有五年之食今請倣其法而行之于淮南一帶湖蕩之間沮洳之地蘆葦之場盡數以為屯田遣官循行其地度地勢高下測泥

塗淺深召江南無田之民因宜制便開渠濬川大小
相受使水有所洩然後于窪下之處浚為湖蕩又于
原近舊湖之處疏通其水使有所豬或為隄限水或
為堰蓄水或為斗門放水俱如江南之制民之無力
者給以食田成之後依官田起科民之有力者計其
庸田成之後依民田出稅數年之後其所得當不止
于魏人也況此地為運道所經有魚鹽莞蒲之饒昔
人所謂揚州之地去大江僅百里許大江以南民多

而田少居者佃富家之田出者逐什一之利誠下尺
一之詔鼓舞而搖徠之當無不成既成之後更于潁
壽之間召民開墾陸田亦隨地勢以分田因民力而

定稅其功又易于水田者攷之唐史上元中

肅宗

于楚州

古射陽

在山陽鹽城寶應界
即漢廣陵王射陂

置洪澤屯于壽州置芍

陂屯大獲其利今遺蹟可求也 愚按泗水可以趨

廣陵渦口可以向六合淝口可以向合肥古人因田

設險因耕置屯非徒興利亦以防患至江南之田以

修塍岸浚溝渠為急溝渠浚則高田有以蓄水而旱不能災塍岸修則下田有以障水而潦不為患范文正謂錢氏竊據時專設營田軍七八千人導湖築隄以修水政于是米值甚賤迨歸一統圩塘隳廢米貴十倍然則田之高下何常惟在治之得其術耳

輯陳止齋

諸家說

厥貢惟金三品瑤琨篠簜齒革羽毛惟木島夷卉服厥篚織貝厥包橘柚錫貢

琨漢書作瓊

史記虞夏之幣金三品或黃或白或赤

漢食貨志秦以黃金為上

幣銅錢為下幣銀錫之屬為器飾寶藏不為幣漢武帝始造白金三品

爾雅黃金謂之

璽其美者謂之鏐

郭璞云鏐紫磨金也

白金謂之銀其美者謂

之鏐

穆天子傳有燭銀郭璞云銀有精光如燭疑即此

赤金即銅

王氏字說銅赤金也

為火所勝而不為火所勝而不

凡律度量衡用銅所以同天下也

按鄭

玄云金三品者銅三色也應劭謂古者以銅為兵山海經昆吾之山其上多赤銅郭璞註色赤如火以之作刀切玉如泥所謂昆吾之劍也越絕書赤堇之山破而出錫若耶之谷澗而出銅歐冶子因以為純鉤之劍汲郡冢中得銅劍一枚長三尺五寸乃今所名干將蓋古者通以錫雜銅為兵器周官職金入其金

錫于為兵器之所此一證也
錫所以柔金爾雅註今白鐵
愚按左傳貢金九牧九

州皆有金貢而獨著于荆揚揚產更優故貢居首漢

丹陽豫章有金銅之山

漢志鄱陽有黃金米米者取金處丹陽郡有銅官靈

帝采勾曲之金以充武庫

見續博物志

是揚之產金後世

猶然也說文瑤玉之美者琨石美似玉者

孔傳瑤琨皆美玉蔡

傳用說文

正義齒象齒

詩元龜象齒知齒是象齒

革犀兕皮羽南方鳥

羽孔雀翡翠之屬毛西南夷長犛牛尾經傳通謂之

旄

牧旌右秉白旄詩建旄設旄

木梗梓豫章蔡傳瑤琨可以為禮

器篠中矢筈蕩中樂管

此從郭璞註

亦可為符節

周禮掌節以英

蕩輔之註盛節器也當是為符節之節

齒革可以成車甲

考工記犀甲七屬兕甲六

屬羽毛可以飾旌旄木可以備棟宇器械之用島夷

東南海島之夷

按島夷如今日本琉球及占城爪哇等國孔傳謂南海島夷揚境東南皆

至海當以正義卉服草服

羅苹云卉今之黃草

葛越也葛越南

方布名左思吳都賦蕉葛升越弱于羅紃是也愚按

後漢書世祖嘗勅會稽獻越布盖越亦葛類

楊慎曰越草也

可為註疏止言葛越而蔡傳兼及木棉木棉出交廣

即今斑枝花

張勃吳錄交趾有木棉樹實如酒杯口有綿可作布名曰白縷楊慎曰雲南阿

迷州有之嶺南尤多樹大成抱花如芙蓉結子時方成葉子內有綿至蠶成乃熟

與草綿異

草綿今江南之棉花也

史照通鑑釋文江南木綿春生黃花結實熟時其皮四裂

中綻出如綿土人以鐵鋌碾去核取綿弓彈之令勻細卷為筒就車紡之織成布按此即今綿花史以解木綿非也丘濬謂木棉至宋元間種始傳入中國考通鑑

載梁武帝木綿皂帳又屢見唐人詩句

李商隱詩木綿花發鷓鴣

飛王獻詩紙錢飛出木綿花

則宋以前有之但唐虞時外夷所貢

者未必即此種耳鄭氏玄曰貝錦名

其紋斑斕如貝孔傳織細紵貝

水物作二
物解非是

詩萋兮斐兮成是貝錦

徐常吉日即今西洋布之類

吳

氏澄曰染其絲五色織之成文者曰織貝不染五色而織之成文者曰織文蔡傳今南夷木綿之精好者亦謂之吉貝島夷以卉服來貢而吉貝之精者則入

于篚焉

此本之蘇傳

愚按吉貝之名昉于南史

南史林邑等國出吉

貝木其花成對如鵝毳紡之作布與苧不異亦染成五色織為斑布俗呼古為吉蓐唐書婆利國有古貝草緝其花為布粗者曰古貝細者曰毳

不可謂禹時即以入貢且諸州

篚實非必盡出于各夷也孔傳小曰橘大曰柚其所

包裹而致者

續博物志柚似橙而大于橘茅瑞微曰橘柚皆不耐寒故包裹貢之張氏

曰必錫命乃貢賓祭則詔之口腹之欲難乎出令也

按漢武帝于交趾置橘官長一人今橘產閩廣者良禹時所貢當在近地炎荒之外豈以勞民哉

周禮職方所載揚州之賦其穀則宜稻而他種皆非
所有其利則金錫竹箭而絲紵則非所宜漢東南獨

海鹽有鹽官皖城有鐵官則知漢鹽鐵官之置多在

西北而不在東南矣唐自河西北淪于藩鎮而國用

全賴東南

唐代宗時天下租賦所入不過千二百萬而江南居其半

明代視唐宋

為倍朱提之貢額不減而漕粟之輓輸歲增又淮浙鹽課為海內最地無遺利而誅求猶不止欲民力不竭豈可得哉

汳于江海達于淮泗

正義春秋文十年傳汳漢沂江沂是逆汳是順沿江入海順也自海入淮自淮入泗逆也

按江自靜江入海淮自淮浦入

海皆與海通故揚州貢道獨資海運

陳氏大猷曰循行水涯曰沿水之

險者莫如江海遇風濤多沿岸而行所以不言浮獨

言汭者著其險也易氏曰揚之貢在北者可徑達淮
泗矣其在南者邳溝未開無道入淮必由江海達淮
泗至淮泗則與徐州同貢以達于河林氏之奇曰禹
時江淮未通至吳王夫差會晉黃池始掘溝通水孟
子謂排淮泗而注之江蓋誤指所通之道以為禹蹟
陳氏傅良曰禹貢州末係河先儒固曰運道其于
青州達濟揚州達泗荆止于南河雍止于西河此政
裴耀卿接級轉輸之法不以江人入河不以河人入

洛洛人入渭

唐時江淮之粟會于京口京口是咽喉處六朝運道不由京口自破崗瀆入秦

淮自秦淮入江破崗瀆在今句容縣東二十五里秦淮本名龍藏浦有二源一經句容西南一經溧水

西北合自方山埭西注大江今都城徙而南秦淮乃橫亘城中

考吳夫差于邗江

築城穿溝東北通射陽湖西北至末口江淮之通自

此始

見揚州府志

吳草廬謂江北淮南地高于水溝通江

淮止是江淮間掘一橫溝兩端築堤壅水于中以行

舟耳

兩端築堤今瓜儀淮安壩是

江淮實未通流也後隋煬帝幸

江都大發淮南諸州丁夫十餘萬開邗溝自山陽至

揚子江徑三百餘里自是始由揚子達六合由山陽

瀆入淮

今運道自瓜儀歷高郵
寶應至清江浦入淮

鄭曉曰國初海運沿于江海也永樂初中漕之運達

于淮泗也

其後並罷專由邳溝入
淮汴河以達會通河

又曰欲順河流不

逆其性必難濟漕既欲濟漕難保淮西陵寢不衝決

大名張秋濟寧徐州處處畏河患又必須引之東南

流雖大禹治之恐亦無長策以故中漕之運及膠河

故道皆不可不講膠河即今所謂南北新河不出登

萊大洋之險直自安東至海倉三百里耳 夏允彙

曰近世以河渠阻塞多議海運考元史其道有三皆

自平江劉家港出海其至萬里長灘開洋旋沿山嶼

而行至膠州復放洋者路甚紆遠次沿涯至長灘放

大洋經黑水洋至成山者

成山在文登縣南

其道差徑又次

至崇明三沙放洋向東即開黑水大洋取成山轉西

至登州沙門島者其道最便蓋開洋愈濶則取道尤

捷然與大禹沿海之意遠矣

唐樞曰海運憚文登南之成山登州北之沙門

島此兩險多磧宜無靖
勢元開膠萊以避兩險

或曰元人海運損壞以起自

太倉嘉定而北也若自淮安而東引登萊以泊天津
則元名北海中多島嶼可以避風又其地高多石蛟
龍往來而無窟宅 王樵曰上古海路不甚通揚州
所汭不過由江至淮之海面而已上古海利亦不甚
通鹽與海錯不過取之青州而已聖人先見之明防
患之遠不貴異物遠物以生外囂豈有賈市招誘之
事哉近代倭人之禍則海路海利日通而莫之為禁

之咎也漢書言樂浪海中有倭人分為百餘國以歲
時來獻見雖漢世已通中國然止樂浪海中的一路閩
廣兩浙固猶未通也自元人與之交兵彼始得我之
情有窺我之漸國初沿海備禦蓋亦甚嚴承平禁弛
乃召前代未有之患誠繹禹貢之旨則得所以治之
之要矣黃承玄曰淮與黃初皆獨入于海故稱瀆
焉自隋大業間引河由汴泗達淮周顯德間濬汴口
導河達淮皆上流也宋興國間河由彭城入淮熙寧

後由南清河入淮則支派耳金元季由渦河入淮亦
上流也國初河決原武由壽州正陽鎮全入于淮則
正派又上流矣嗣後或由孫家渡或由趙皮寨皆從
陳潁亳壽懷遠等處入淮皆上流正派其由小浮橋
經徐邳自清河縣北合淮者此下流亦支派爾至嘉
靖中塞渦河口截野鷄岡則正派皆歸孫繼口歷徐
邳桃清入淮已而從清河縣南合淮下流且奪淮入
海之路矣

禹貢長箋卷五

欽定四庫全書

經部

禹貢長箋卷六

六

詳校官監察御史_臣劉人睿

通政使司副使_臣吳瞻萊覆勘

總校官編修_臣王燕緒

校對官中書_臣李斯咏

謄錄監生_臣馮國柄

欽定四庫全書

禹貢長箋卷六

吳江朱鶴齡撰

荆及衡陽惟荊州

爾雅漢南曰荊州

郭璞註自漢南至衡山之陽

釋名荊州取名於

荊山孔傳北據荊山南盡衡山之陽

蔡傳北距南條荊山南盡衡山

之陽正義此州北界至荊山之北故言據南及衡山之

陽其境過衡山也以衡是太山其南無復有名山大

川可以為記故言陽

諸州以荊者獨荆

漢地理志荊山在南

郡臨沮縣

今襄陽府南漳縣

東北

山海經景山東北百里曰荆山襄陽府志荆山在南

漳縣西北八十里三面險絕惟西南一隅通人徑

曾氏曰荆山有二此荆山

其南為荊州其北為豫州非雍州荆岐既旅之荆山

漢地理志衡山在長沙國湘南縣

今長沙府湘潭縣

東南

括

志衡山在衡州湘潭縣西四十一里一統志在衡州府衡山縣西北周八百餘里高九千餘丈

愚按

衡山以回鴈為首

在衡州

嶽麓為足

在長沙

自古稱南嶽

漢武本爾雅徙祭南嶽於廬江濤

音濤

山

爾雅霍山為南嶽地理志

濤縣南有天柱山即霍山也齊立霍州治此在今廬州府霍山縣

然衡山故封卒不

易云

洞天記隋開皇九年
始定衡山為南嶽

熊氏禾曰荊州北接雍

豫南逾五嶺東抵揚州西抵梁州及西南夷揚州之
地自兩浙為吳越之外江淮皆楚境也或謂建都江
南者當以南陽為正其北連中原東通吳會西接巴
蜀南控蠻粵諸葛亮以為用武之國凡自北攻南自
南窺北未有不先得此而可以有為也

班固配十二次自張十七度至軫十一度為鶉尾之

次

費直起張十三度
蔡邕起張十二度

于辰在巳楚之分野

鄭語楚重
黎之後也

黎為高辛氏火正屬荊州春秋緯文耀鉤大別以東此鶉尾為楚分星至九江荊州屬衡星天官

書衡太微三光之庭也註晉天文志翼軫楚荊州南太微天帝南宮主翼軫地

陽入翼六度南郡入翼十度江夏入翼十二度零陵入軫十一度桂陽入軫六度武陵入軫十度長沙入軫十六度

周職方氏正南曰荊州其山鎮曰衡其澤藪曰雲夢

其川江漢其浸潁湛

鄭玄曰潁水出陽城京相璠曰昆陽縣北有蒲城蒲城北有湛

水陽城今河南府登封縣昆陽今南陽府葉縣按二水皆宜入豫州

通典荊州楚其分

野兼得韓秦之交秦置郡為南郡黔中長沙南陽之

東境

通考作南境

漢武置十三州此為荊州後漢並因之

其五溪地歸漢以後歷代開拓

史記正義楚東淮泗之上與齊接壤北有

陘塞與韓接壤徐廣曰密縣有陘山密縣今屬開封府

漢地理志楚地今之南

郡江夏零陵桂陽武陵長沙及漢中汝南郡盡楚分

周成王時以封鬻熊之曾孫熊繹後寢彊大楚有江

漢川澤山林之饒民以漁獵山伐為業果蓏蠃蛤食

物常足故咎

音子

窳偷生而亡積聚江陵故郢都

按一統志

楚熊繹封丹陽故城在今歸州東七里楚文王自丹陽徙都郢故城在今荊州府東北三里

西通

巫巴東有雲夢之饒亦一都會也後漢郡國志荊州

刺史

治漢壽後治江陵漢壽今常德府龍陽縣

部郡七南陽南郡江夏零

陵桂陽武陵長沙

內南陽應入豫州

通考漢又為牂牁郡之

東北境

魏武得荊州分南郡以北立襄陽郡及敗赤壁吳與蜀分荊州于是南郡零陵武陵以西

為蜀江夏桂陽長沙三郡為吳南陽襄陽南鄉三郡為魏後蜀所分地悉屬吳而荊州之名南北雙立

唐地理志山南道古荊州域江陵峽歸夔澧朗復郢

襄房為鶉尾分鄧隋泌

即唐州

均為鶉火分府一

江陵內

夔房通典入梁州襄鄧
隋泌均通典入豫州
通典唐分置山南東道採訪使治

襄領江陵荆州竟陵復州本富水鄧州本夷陵峽州巴東

歸州析武陵朗州澧陽澧州郡江南西道採訪使領長沙

潭零陵永州桂陽郴州江夏鄂州齊安黃州漢陽沔州江華道州

州析衡陽衡州本巴陵岳州邵陽邵州本郡黔

中道採訪使領黔中黔州盧溪辰州本盧陽錦州寧

夷思州清江施州潭陽巫州龍溪業州義泉夷州析

州置靈溪溪州涪川費州溱溪溱州播川播

郡兼分入淮南道為安陸

安州

義陽

申州

郡及嶺南道連

山郡

初學記荊州之南界屬江南道東界入淮南道

宋史古荊州為荊湖南

北路北路府二江陵德安州十鄂復鼎澧峽岳歸辰

沅靖軍二荊門漢陽南路州七潭衡道永邵郴全軍

二武崗桂陽

荊湖路東界鄂渚西接漢洞南抵五嶺北連襄漢

而郢州入京

西南路黃州入淮南西路興國軍入江南西路黔施

珍思播五州入夔州路

文獻通考以信陽軍入荊州城應入豫州

明一統

志古荊州為今湖廣省武昌

楚熊渠子鄂王封國秦屬南郡漢置江夏郡治

沙羨三國吳分置武昌郡治武昌劉宋兼置郢州梁
分置北新州隋唐曰鄂州後置武昌軍節度其地控
持雍梁邊帶漢沔山
川包絡江南要區
漢陽春秋鄖國屬楚秦屬南郡
鄂安二州周世宗平淮南置漢陽軍宋因之
其地與武昌隔江僅七里形勝風俗頗同
承天秋
戰國屬楚曰郢中秦屬南郡漢屬江夏晉置竟陵郡
梁為南司北新二州境唐宋曰郢州其地上接漢江
下連湘水
德安亦鄖國地秦屬南郡漢屬江夏劉宋
舟車之衝
置安陸郡梁兼置南司州西魏置安
州唐因之宋陞德安府元隸黃州
路其地介襄郢申汝之間為都會
黃州春秋黃國楚
曰邾城秦屬南郡漢屬江夏晉又置西陽國齊分置
齊安郡隋曰黃州唐宋因之其地連雲夢倚大江淮
楚之
荊州春秋楚郢都秦置南郡漢因之唐為江陵
交
府元為中興路其地東連吳會西通巴蜀

南極湘潭北據漢沔上游重鎮

岳州

古三苗國春秋麋國羅國地秦漢屬長沙郡劉宋置巴陵郡唐

置岳州宋元因之其地兼江湖之勝

湘沅衡岳接其前漢沔荆峴帶其後

長沙

楚南境黔長沙郡漢為國劉宋置湘州隋唐曰潭州宋置

武安軍其地南通嶺嶠北界洞庭湖湘重鎮

寶慶

秦屬長沙漢屬長沙零陵三國吳置邵陵郡唐宋

曰邵州其地東距洞庭西連五嶺控制豁洞諸蠻

常德

德商周蠻蠻所居秦屬黔中郡漢置武陵郡梁置沅

州隋唐曰朗州宋曰鼎州其地包洞庭控五溪荆

齒

辰州

亦蠻蠻地秦置黔中郡漢屬長沙武陵晉

嶺武陵保障

衡州

秦屬長沙漢分屬桂陽三國吳分俗同巴渝

之其地直回鴈峯之北

永州

春秋楚南境秦屬長沙東帶瀟湘南連豁洞

漢置零陵郡晉屬湘州

衡州

秦屬長沙漢分屬桂陽三國吳分俗同巴渝

之其地直回鴈峯之北

永州

春秋楚南境秦屬長沙東帶瀟湘南連豁洞

漢置零陵郡晉屬湘州

衡州

秦屬長沙漢分屬桂陽三國吳分俗同巴渝

之其地直回鴈峯之北

永州

春秋楚南境秦屬長沙東帶瀟湘南連豁洞

漢置零陵郡晉屬湘州

衡州

秦屬長沙漢分屬桂陽三國吳分俗同巴渝

之其地直回鴈峯之北

永州

春秋楚南境秦屬長沙東帶瀟湘南連豁洞

漢置零陵郡晉屬湘州

衡州

秦屬長沙漢分屬桂陽三國吳分俗同巴渝

之其地直回鴈峯之北

永州

春秋楚南境秦屬長沙東帶瀟湘南連豁洞

漢置零陵郡晉屬湘州

衡州

秦屬長沙漢分屬桂陽三國吳分俗同巴渝

之其地直回鴈峯之北

永州

春秋楚南境秦屬長沙東帶瀟湘南連豁洞

漢置零陵郡晉屬湘州

衡州

秦屬長沙漢分屬桂陽三國吳分俗同巴渝

又分置營陽郡隋唐曰永州
其地南接九疑北連衡岳
各府靖秦黔中地漢屬

峒宋曰誠州其地介
夷播叙三州之境
郴唐曰郴州其地環山為州五

嶺之
二州永順漢屬武陵
保靖隋辰州地
二宣慰司

其襄陽府

春秋屬楚漢屬南郡南陽劉表刺荊州徙治馬三國魏置襄陽郡為重鎮東晉偽置

南雍州唐曰襄州其地南臨
荊門北控宛許楚蜀之咽喉
為荊豫二州域宜城南

州考郡志宜
城當屬豫州
鄖陽府春秋麇國漢屬漢中三國魏置

州其地襟山帶江
荆襄秦蜀之會
為荊豫梁三州域鄭縣房縣屬荆

志鄖陽府
應屬梁州
施州衛楚巴巫地漢屬南
為荊梁二州域

東境屬荆
西境屬梁

江西省南康九江吉安三府

詳見揚州

為荆揚

二州域

西境屬荆

四川省夔州府

詳見梁州

為荆梁二州域

山

大昌大

寧屬荆

廣西省桂林

秦屬桂林漢屬零陵蒼梧三國吳置始安郡晉屬廣州梁置桂

州唐因之宋為靜江府其地東控嶺海右扼蠻荒自荔浦以北為楚以南為粵

平樂

秦屬桂林漢屬

蒼梧三國吳屬始安唐置昭州其地與清湘九疑犬牙相入

梧州

秦屬桂林漢置蒼梧郡徙交州

治之唐置梧州其地總百越連五嶺水陸之衝

三府應屬荊州貴州省貴陽

府

漢屬牂牁郡

則荊梁二州之南境思州

牂牁要衝思南

亦牂牁地

鎮遠石阡

右夜郎地唐夷州

銅仁黎平等府並荊州南裔

按

梁之界今為貴州衡
山之南今為廣西

章俊卿曰沅湘衆水合洞庭而輸之江則武昌為之
都會江水下夔峽而抵荆楚則江陵為之都會漢沔
之上則襄陽為之都會守江陵則可以開蜀道守襄
陽則可以援川陝守武昌九江則可以蔽全吳魏氏
了翁曰襄陽據漢水上游與江陵為唇齒襄陽至江
陵步道五
百
里襄陽之唇亡則郢復荆門漢陽皆齒也齊安鄂渚
為受兵之衝長江之險與敵共之矣唐樞曰湖廣南

滙洞庭諸水于前北引漢沔諸水于後西承川蜀諸水而折而過焉水法滌洄而山奔不歇故有不可居終之說

江漢朝宗于海

江漢詳尊水正義周禮大宗伯諸侯見天子之禮春見曰朝夏見曰宗此假人事而言詩沔彼流水朝宗于海鄭氏玄曰江水漢水其流過疾又合為一共赴于海猶諸侯之同心尊天子而朝事之荆楚之域國

有道則後服國無道則先彊故記其水之義以著人

臣之禮易氏曰江自歸州秭歸至鄂州武昌凡一千

四百餘里皆荊州地江漢分流其間至是合流

王氏
炎曰

漢水入江處在漢
陽軍大別山下

鄭曉曰二水發源于梁而荊當下

流之衝入海于揚而荊據上游之會故於此言朝宗

見其上無所壅下有所洩王樵曰既言朝宗於海

則入海不俟言故知三江既入不指大江也

江水方出三峡源高流下勢若建瓴夷陵

屬荊
州府

以東

兩岬俱平行下隰水易漫流隄防不修則千里汎濫
不見涯涘舊有九穴十三口今皆湮塞無餘荆岳之
間幾何不為巨浸也漢水多泥沙均州屬荆襄陽府以下

地平曠遷徙不常潛沔之間

潛江沔陽俱屬承天府

大半滙為

湖渚又有漲池口竹洞湖瀉之以故向鮮水患自潛
沔湖渚淤為平陸竹洞湖復湮淺上流日壅下流日

湮水患多在荆襄承天間矣

見禹貢合註

九江孔殷

孔殷史記作甚中

水經九江在長沙下雋

今岳州府巴陵縣

西北蔡傳即今洞

庭湖其源有九水故名一曰瀟江水經注一名營水

出營陽冷道縣

今永州府寧遠縣

南流山

一統志瀟水在永州府城外源出寧

遠縣九疑山

北流注湘水

按永州府志道州水營瀟居其二而羅含所記十五水無瀟衡

州府志云營水在唐名瀟水則二水實一也

二曰湘江漢地理志湘水出

零陵郡零陵縣陽海山

水經註湘水出零陵始安縣陽海山即陽朔山在今桂林

府興安縣

北至長沙酃縣

今衡州府衡陽縣

入江

水經北過下雋縣西北至巴

丘山入江一統志湘水至永州與瀟水合曰瀟湘至衡陽與蒸水合曰蒸湘至沅州與沅水合曰沅湘

三曰蒸江水經註作承水

承音蒸按地理志承陽在承水之陽屬長沙國後漢

志作蒸陽屬零陵郡晉志宋志俱作蒸陽屬湘東郡是承水即蒸江也

出邵陵縣

今寶慶府

邵陽縣

界耶薑山

一統志蒸水出邵陽縣耶薑山

東北流至湘東臨承

縣北

今衡州府衡陽縣

東注于湘四曰瀆江地理志瀆水出

零陵郡都梁縣

今寶慶府武崗州

路山

一名唐紂山

東北至長沙

益陽

今長沙府益陽縣

入沅

水經至益陽縣北又東與沅水合入洞庭

五曰沅江

地理志沅水出牂牁郡且蘭縣

今四川播州地

東南至長沙益

陽入江

水經東至長沙下雋縣西北入江一統志沅水自辰州經常德府城南至龍陽縣北入洞庭

六曰漸江地理志漸水出武陵郡索縣

今常德府龍陽縣東漢曰

漢壽水經注出漢壽縣西揚山

東入沅七曰叙江地理志序水出武

陵郡義陵縣

今辰州府溆浦縣

廊

音夫

梁山西入沅

水經註西北流入沅

八曰辰江地理志辰水出武陵郡辰陽縣

今辰州府辰溪縣

三山谷南入沅

水經注武陵有五溪水辰其一焉右合沅水

九曰酉江地理

志酉水出武陵郡充縣酉原山

水經注出巴郡臨江縣酉源山臨江今重

慶府忠州

南至沅陵

今辰州府沅陵縣

入沅

按志瀟湘蒸沅四水出湖南沅序漸辰酉

五水出湖北而沅瀘湘最大皆自南而入荆江自北而過

愚按此係朱子考定九

江蔡傳所序沅漸元辰叙酉澧潯湘與朱子不合徧考各志有沅水而無元水蔡不知何據况導江東至于澧過九江則是古者澧先入江而後九江入焉澧不當在九水之內疑朱子說得之又按古三苗之國左洞庭右彭蠡註疏皆誤以洞庭為彭蠡而謂九江在潯陽

潯陽漢屬廬江郡潯陽記九江一曰烏白江二曰蟠江三曰烏江四曰嘉靡江五曰猷江

六曰源江七曰廩江八曰提江九曰箇江班固謂禹貢九江在潯陽南註疏相同

自宋胡旦

始正之朱子曰若旁計橫入小江之數則自岷山以

東至入海為江當幾千百夫經言九江孔殷正以見其吞吐壯盛浩淼無涯之勢決非分派小江之所可當繼此而及夫沱潛雲夢則又見其非潯陽以東甚遠之下流也且導山過九江至于敷淺原若已自江州順流東下湖口又復汭流南上彭蠡百有餘里而後至焉此何說哉蔡傳漢九江郡之尋陽乃禹貢揚州之境按漢尋陽在江北晉以後尋陽在江南禹時皆屬揚州程大昌謂荆境至尋陽以東即為揚州是以尋陽屬荆蓋因孔傳誤而唐孔氏又以為九江之名起於

近代未足為據且九江派別亦必首尾短長大畧均布然後可目為九今尋陽之地將無所容况洲渚出沒其勢不常果可以為地理之定名乎設使派別為九則當曰九江既道不應曰孔殷于導江當曰播九江不應曰過九江反覆參考九江非尋陽明甚陳氏師凱曰導江曰過九江則大江自大江九水自九水可見而孔氏謂江分九道者其非明矣

孔傳江于此州界分為九

道甚得地勢之中

又曰東至于澧過九江至于東陵則九江

當在澧州之下巴陵之上而不在尋陽尤明矣

王樵曰雷夏小故曰既澤彭蠡大故曰既豬大野大

于雷夏故亦曰既豬震澤震動難定故曰底定洞庭

方八百里浩渺非他可比故特異其文曰孔殷

殷字有訓

正者堯典以殷仲春是也有訓盛者洛誥肇稱殷禮是也蔡傳從前解

徐常吉曰令荆

州之水莫大於洞庭而爾雅十數惟云楚有雲夢周

禮職方荊州藪澤曰雲夢皆不及洞庭仁山金氏以

為九江會為洞庭計禹時九江入江會合未甚廣故

未有洞庭之名其後會聚日廣方八百里而洞庭山

在其中故因山得名云金氏之言理或宜然戰國策

載吳起言左洞庭右彭蠡又秦與荆戰大破之取洞

庭五瀦

水經註湘水瀦水沅水做湖澧水凡五水注洞庭北會大江名五瀦

則洞庭之

名戰國時已有之然既言洞庭又言五瀦則是洞庭

山之側有五水分瀦其間亦可証未合而為一也意

其初九水同入江故名九江後既瀦九而為五又會

五而為一則九江遂皆入湖而洞庭之名始著是謂

九江非洞庭固不可謂九江即洞庭亦不可也

辰常衡永支湖無慮數十其會衆流而注之洞庭者

沅湘澧而已沅合麻陽

屬辰州府

諸溪洞水過常武

常德府武

陵縣

出湖之北湘合瀟水汨羅水過長沙出湖之南澧

合焦溪茹溪諸水經慈利石門

俱屬岳州府

至澧州出湖

之西而漸辰叙酉瀆合流而匯洞庭以為之壑故辰

沅衡永長沙得免水患惟常武當沅江之下流岳陽

當江湖之會合故隄防急焉昔禹之治水堅則鑿之

盛則醜之淺則淪之大則決之急則排之而其要有
二曰經曰緯夫漢之南入江之北匯非楚水大經乎
然漢則東為滄浪過三澨乃至大別江則東別為沱
至于澧過九江至于東陵乃迤北而會焉隨地注瀉
使游波寬緩不相激薄何其緯之有緒也平成既久
民多濱水為居或築而業之故潛沔之間所謂滄浪
勾雍諸澨皆大不容刀甚至不可辨而澧水與江相
去百餘里禹時九江猶受岷江之輸今九江自相經

緒緒為洞庭大且與江漢敵矣禹所患者經不足以
持緯治之宜後緯而先經今所患者緯不足以受經
治之宜後經而先緯周禮稻人掌稼下地以豬蓄水
以防止水以溝蕩水以遂均水以列舍水以澮瀉水
此雖主治澤田實治水緯法也今當增修江漢之隄
而開浚諸穴口以散其漲使民得隄為衛不患于漂
沒隄得口為瀉不至於壅淤排醜並施防澮均舉經
緯之義備水何從孽哉

輯夏彛仲
諸家說

沱潛既道

爾雅水自江出為沱自漢出為潛正義水從江漢出者皆曰沱潛但地勢西高東下雖于梁州合流還從

荊州分出猶如濟水入河復自河出也鄭氏玄云南

郡枝江縣

今屬荊州府

有沱水其尾入江耳首不于江出

也華容

今荊州府監利縣

有夏水首出江尾入沔蓋此所謂

沱也

地理志夏水首受江東入沔行五百里水經江夏水出江流江陵縣東南東過華容監利至江夏雲

杜縣入于沔雲杜令即承天府地

潛水未聞王氏炎曰沱水在江陵

枝江縣世謂枝江為百里洲夾江沱二水之間與江

分處曰上沱與江合處曰下沱隋志南郡松滋縣有

沱

沱即古潛字集韻潛通作沱

史記沱沱既道今松滋分為潛江

縣矣

潛江縣明朝先屬荊州府後屬承天府

愚按金氏謂松滋縣南枝

江縣北江分三十餘里下流復合名策籬江此即沱

也一統志沱江在當陽縣治南

當陽屬荊門州沱江在縣南百六十里

至枝江縣界復入大江據鄭註則在枝江者為非今

長夏河即夏水在沔陽州南四十里此則康成所云

出江入沔者乎潛江經今潛江縣界

潛江在縣東一里

東南

入大江承天志云漢水自鍾祥

承天府治

北三十里分為

蘆沱河經潛江縣東南後入漢

鄭端簡云入江

疑即古潛水

項平甫謂夾蜀山而行凡谿谷之水至江而出者皆

名沱至漢而出者皆名潛然沱潛自是江漢別流非

盡谿谷水所注孔氏以荆梁沱潛為一班固鄭玄郭

璞皆以二州各有沱潛蓋源同而流異耳 黃度曰

孔安國云沱潛發梁州入荊州其言雖不詳未失也

孔穎達求之不得而曰沱潛雖於梁州合流復于荊
州分出則幾誣矣沱自永康軍導江縣分流東至眉
州彭山縣入江此江別為沱人所知也漢有東西二
源而沔漾附會其說多端按經文梁州貢道浮于潛
逾于沔東為沔西為潛潛即西漢出天水南至巴州
入江凡潼益夔利水道皆由此泝流北上是固大瀆
足為一州貢道矣然沱潛合為一流以出瞿唐至荆
猶各存舊名者所以紀江漢之源委也潛漢與江合

瀆東流至夏口沔漢又出而會之江漢合流卒入于海而自九江以上稱沱潛九江而下稱江漢至揚州合為一江而猶稱中江北江以見二水各瀆共流歷梁荆揚首尾三州其可合者不得而分也猶河既醜二渠又疏九河流注兗豫青徐其當分者不可得而合也此禹治水大經皆行其所無事也

此說主漢孔氏

雲土夢作人

夢周禮職方作曹漢書雲夢二字連

漢地理志雲夢在南郡華容縣南蔡傳雲夢方八九

百里跨江南北華容枝江江夏安陸皆其地也左傳

楚子濟江入于雲中又楚子與鄭伯田于江南之夢

國語云楚有蕢曰雲連徒州金木竹箭之所生韋昭云雲土今為縣地理志江夏有雲杜縣夢在南合

言之為一分言之則二澤也沈括曰孔安國註雲夢

澤在江南不然據左傳吳人入郢楚子自郢西走涉

睢

杜預曰睢水在枝江縣入江是楚王西走

則當出於江南其後涉江入

雲中遂奔鄖鄖今之安陸州

今德安府

則雲在江北也江

南今公安石首建寧等縣

今俱屬荊州府建寧併入石首

江北今玉

沙

令併入監利

監利

今屬荆州

景陵

令屬承天

等縣乃衆水所委其

地最下愚按郭璞謂雲夢即華容縣東南巴丘湖

岳州

志青艸湖一名巴丘湖

或曰此江南之夢也杜預云南郡枝江

縣西有雲夢城江夏安陸縣東南亦有雲夢城朱子

云江陵以下岳州以上為雲夢今安陸沔陽華容枝

江洞庭以南皆是一

統志安陸縣南沔陽州東皆有雲夢澤又荆門州有雲夢澤連德

安雲夢縣界

蓋跨川亘隰兼苞勢廣矣羅泌曰雲土夢作

人者雲向為水所沒至是始得為土夢在前雖土而

未可作至是始可耕而治之蓋夢地差高而雲下論者不知既以雲夢為一澤復謂古經雲夢土作人者

非也

按沈括筆談石經倒土夢字唐太宗時得古本始改正孔穎達疏猶以土字兼上下言則蔡傳

之解蓋本于羅泌也

厥土惟塗泥厥田惟下中厥賦上下

田第八賦第三荆塗泥與揚同其地稍高故田加一等

蘇氏軾曰吳蜀有可耕之人而無其地荆襄有可耕

之地而無其人葉適曰漢之末年荆襄甚盛不唯民
戶繁實而智勇材力之士森然出於其中孫劉資之
以爭天下其後不復振起而閩浙之盛自唐始乃獨
為東南之望分閩浙以實荆楚去狹就廣則田益墾
而稅益增

厥貢羽毛齒革惟金三品杍幹枯栢礪砥砮丹惟箇簞
櫛三邦底貢厥名包匭菁茅厥篚玄纁璣組九江納錫

大龜

礪漢書作厲三
邦漢書作三國

蔡傳荆揚之貢略同而荆先羽毛者孔氏謂善者為

先也管子金起於汝漢韓非子荆南之地麗水之中

生金

一統志今雲南金沙江古麗水產金又衡州大湊山出銀鑛長沙有銅官渚

蔡傳枕

木似樗

枕或作櫛左傳孟莊子斬其櫛以為公琴注櫛木名枕也

可為弓榦

周禮之

榦即此孔傳榦柘也弓榦莫若柘木故舉其用非是

孔傳栢葉松身曰栝

茅瑞徵曰

考爾雅機松葉栢身檜栢葉松身豈栝亦檜之類與

魯氏曰揚言惟木多不勝

名也荆木名之貢止此也正義礪磨刀刃石精者曰

砥砮石中矢鏃魯語肅慎氏貢楛矢石砮

郭璞山海經注肅慎

國去遼東三千餘里箭長尺有五寸青石為鏑一統
志今石鑿出女直黑龍江口名水花石其堅利入鐵

丹丹砂可以為采

出今辰州老
鶴井者良

筩簞是兩種竹或大

小異也韋昭一名簞風蔡傳董安于治晉陽公宮之垣

皆以荻蒿苦楚磨之其高丈餘趙襄子發而試之其

堅雖筩簞不能過則筩簞是竹之堅者

呂覽云駱越
之筩蓋產南

粵

其材中矢筈正義楛木可為箭毛詩疏云葉如荆

而赤莖似著即肅慎所貢孔傳三者皆出雲夢之澤

近澤三國常致貢之其名天下稱善

徐常吉日考工
記姁胡之筈鄭

氏謂胡子國在楚旁者唐蔡傳匭匭也菁茅供祭祀

志零陵貢葛萑蓋此類

縮酒之用魏了翁曰縮酒只是醴有糟故縮于茅以清之周禮註酒沃于地滲下若神飲之故

謂之縮此既包又匣所以示敬也齊桓公責楚貢包

茅不入王祭不供無以縮酒又管子江淮之間一茅

三脊名曰菁茅

菁者茅之狀菁菁然也爾雅謂之藐廣雅謂之茈蒨

菁茅一物

也

此本鄭玄說

孔氏謂書以為蒞者非是今辰州苞茅山

在今麻陽縣東九十里

出苞茅有刺而三脊

今常靖並出又晉志零陵有香茅

朱子曰古人榨酒不以絲帛而以編茅王室祭祀之

酒則以菁茅取其香潔也玄纁絳色幣爾雅一染

以染

黑謂之緌

今之紅

再染謂之赭

淺赤色

三染謂之纁

黃赤色

又考工記三八為纁五入為緌七入為緌鄭氏玄曰

玄色在緌緌之間此州染玄纁色善故貢之路史帝

舜玄衣纁裳

汪氏曰冕則上玄而下纁服則玄衣而纁裳

說文璣珠不圓

也

字書璣小珠也

愚按珠璣貢于徐州大抵即今蚌珠如史

所稱隋侯明月之屬非若後世之合浦珠官也正義

玉藻說佩玉所懸者皆云組綬

鄭註綬所以貫組佩玉相承受者則組

是綬類蔡傳大龜尺有二寸

龜筮傳龜千歲滿尺有二寸食貨志元龜岨丹

長尺二寸直二千一百六十為大貝十朋

所謂國之守龜非可恒得故不

為常貢謂之納錫下與上之辭重其事也

杜佑謂廣濟蔡山出

大龜故曰蔡禹貢九江納錫大龜即此廣濟今屬黃州府

愚按荊州古稱用武之

國又其俗尚鬼聖人因之立教故杵臼簠簋有貢講武也菁茅大龜有貢交神也國之大事在祀與戎于荊州制貢備見之

三品之貢先王非以為富也以平財物以御人事其

貢也致之邦國而天子無私求與私藏焉周之衰荆
揚貢金不至而天王求之于魯春秋譏之漢元帝時
貢禹請罷采珠玉金銀鑄錢之官毋復以為幣租稅
祿賜皆以布帛及穀使百姓一意農桑禹之意固善
然泉貨所以交通百物布帛不可尺寸分裂先王制
幣廢之不能但當徵之有時用之有節耳今黃金取
之滇中荆揚貢白金額最廣又所在開局鼓鑄荆為
銅冶所聚利源殫焉至荆揚貢木古時儉而易供後

代繕營時有搜採不休其出之必於深山窮谷懸崖
駕梁艱難萬倍雖間取川蜀而荆關實綰轂之區嗚
呼林麓盡矣峻宇雕牆之戒胡不聞乎

輯王方麓
諸家說

浮于江沱潛漢逾于洛至于南河

蔡傳江沱潛漢其水道之出入不可詳大勢則自江
沱而入潛漢也逾越也漢與洛不通故捨舟而陸以
達于洛自洛而至于南河蘇傳河行冀州之南故曰
南河程氏若庸曰不徑浮江漢魚用沱潛者隨其貢

物之所出或由經流或循枝派期于便事而已

按如蔡說

則江漢本自相通何必又由沱潛程說勝鄭曉曰荊州至冀州中隔豫州

貢道近于漢者則徑浮于漢不必沿江而入漢也近于潛者則徑浮于潛而入漢不必自江而入漢也沱自華容縣出于江入于沔沔即漢也由江入沱由沱入漢一路也潛自漢出至潛江縣入于江由江入潛由潛入漢一路也

愚按逾于洛當是由襄陽登陸北走南陽道

茅瑞徵曰禹時荊州貢道兼用陸運今楚地若轉輸
從陸必從中州境上其漕艘亦從江入淮以達會通
河較之維揚止多長江之險耳

禹貢長箋卷六